

Ilanngussaq 2

Eqqakkat nassuiarnerat

1. Inatsisartut inatsisaanni matumani ”eqqakkat” pineqartut tassaapput inuussutissanit eqqakkat, igaffimmit ingerlatsinermillu eqqakkat, plastikkit, lastimi sinnikut, nerisassanut uuliat, aalisarnermi atortut uumasullu toqungasut timaat, umiarsuup ingerlanneqarneranit nalinginnaasumit pinngortut, aammalu ingerlaavartumik piffissalikkamilluunniit eqqarneqartut sulluunniit:
 - Inuussutissanit eqqakkat: nerisassiassat asiusimasut imaluunniit nutaat sulluunniit, soorlu paarnat, naatitat, immunnit tunisassiat, timmissat, neqit kiisalu nerisat sinnikui umiarsuarniittut.
 - Igaffimmit eqqakkat: Eqqakkat sulluunniit, umiarsuarmi isersimaartarfinneersut, kisiannili imermut errortuutikumut isortumut ilaatinneqanngitsut.
 - Ingerlatsinermi eqqakkat: eqqakkat aalaakkaasut sulluunniit, eqqakkat umiarsuup aserfallatsaaliorneqarneranit ingerlanneqarneranilluunniit nalinginnaasumit, imaluunniit ilioraavittut atorneqartunit usinilluunniit passussinermi pinngortut. Ingerlatsinermi eqqakkanut aamma eqqiaanermi atortut imermullu errortuivissamut akulerunneqartartut ilaatinneqartut, taakku lasteqarfimmu imaluunniit silami umiarsuup qaavanut atorneqarsimanagerat apeqqutaatinnagu. Ingerlatsinermi eqqakkanut imeq errortuutikoq isortoq, imaarsaanermi kuutsinneqartoq assigisaaluunniit, umiarsuup ingerlanneqarneranut pisariaqartinneqartut ilaatinneqanngillat.
 - Plastikki: akuutissat manngertut sulluunniit, pingaarnertut akoralugu højmolekylære polymerer-imik ataatsimik arlalinnilluunniit akoqartut. Plastikki polymeriliornermi imaluunniit naammassillugu suliarineqarnerani kissaq naqitsinerluunniit atorlugit suliarineqarsimasussaavoq (ilusilernerqarsimasussaavoq). Plastikki atortussatut nikerartumik piginnaaneqarsinnaavoq, manngertumiit aserujasumiillu aqitsumut tasisuaartumullu.
 - Lastimi sinnikut: lastimi sinnikut imaluunniit userartoornerit sulluunniit, usilersoreernermi usingiareertermilu umiarsuup qaani lasteqarfimmiluunniit sinneruttut, qanoq isusiat apeqqutaatinnagu. Lastimi sinnikunut lastimiit umiarsuup qaani saniit sanerneqareernerini sinnikut imaluunniit umiarsuup qaavani sinnikut pineqanngillat.
 - Nerisassanut uuliat: uuliat imaluunniit uumasut orsui nerineqarsinnaasut sulluunniit, nerisassiornermut imaluunniit inuussutissat iganeqarnerpiaannut atorneqarsimasut atorneqartussatulluunniit siunertaqarfigineqartut.
 - Aalisarnermi atortut: atortoq tigussaasoq sunaluunniit, taassuma ilai imaluunniit atugassat ataqtigiissitat, uumassusilinnik immami tarajulimmiittunik imaluunniit tarajoqanngitsumiittunik piniarnermut atorneqarlutik imaaniitinneqartartut imaluunniit

immap naqqaniitineqartut. Aalisarnermut sakkunut aamma atortut, kingusinnerusukut pisanut imaluunniit imaani tarajulimmi tarajoqanngitsumilu uumassusilinnik kater-suinermut atorneqartartut ilaatinneqarput.

- Uumasut toqungasut timaat: uumasut suulluunniit, angalanerup nalaani uumasup toqunerani imaluunniit toqunneqarnerani assartorneqarlutik umiarsuarmitineqartut timaat.
2. Eqqakkanut akuutissat imerpalasut, annertuunngorlugit assartorneqartut, silaannarmut anititat, akuutissat ajoqusiisinnaasut poortorlugit imaatigut assartorneqartut, imeq annat aqquaatigut kuuffimmeersoq imaluunniit uulia, MARPOL-imut isumaqatigiisummi ilanngussaq V-mit allaanernit ilanngussani nassuiarneqartut allassimasulluunniit.
 3. Eqqakkanut aalisakkat, pisat taakkuluunniit perlukui nutaat, angalanermi pissarsiarineqartut ilaatinneqassanngillat, imaarsineq angalanermi aalisakkat piniakkalluunniit pisarineqarfianni pippat. Aammattaaq eqqakkanut aalisakkat taakkuluunniit perlukui nutaat ilaatinneqassanngillat, imaani suliani, aalisakkanik assartuineramik, tukertitsivinni atortunut inissiineramik aamma atortuni taamaattuni aalisakkanik pisarineqartunik umiarsualivinnut suliareqqitassatut assartuineramik ilaqartinneqartuni pisunik imaarsineq pippat. Aamma eqqakkanut aalisakkat, piniakkat taakkuluunniit perlukui nutaat, sinerissamut tassungaluunniit qanittumi salinermut, pilannermut assigisaannilluunniit suliaqarnermut atatillugu imaanut imaarneqartut ilaatinneqanngillat.